

Jestatten: Mer sin dat Funken-Mariannsche un der Schäng Guevara. Un mer saare üch:



Von Tünnnes bis Tunesien Jeder Pappnas sing Revoluzzjohn!

**Jecke opjepass!
Demokratie kütt nit von allein
die müsse mer schon selver maache!**



Ob ‚arabischer Fröhling‘, de ‚Empörte‘ oder ‚Occupy‘: Vun Tunis bes Madrid, vun New York bes Moskau, vun Tel Aviv bes Frankfurt, vun Kairo bes Kölle, - üvverall op der Welt sin in de letzte Monate de Minsche op Stroße un Plätz jetrocke. Klar, jede Jeck is anders – ävver mer han all dat selve große Ziel: mer hole uns de Demokratie zeröck, die uns in de letzte Johr und Jahrzehnte jeklaut wodde ess – vun korrupte Diktatore jenauso wie vun Finanzmärkte, Banke, Lobbyiste, neoliberale Politiker un Ideologe. Vun dene fiese Sackjeseechter losse mer uns nix mieh jefalle! Wat han die uns nit all för Driss verzällt:

„Für de Ärm isset dat Beste, wenn de Riesche immer noch riescher wede!“

„Wenn jede an sisch selvs denk, es an all jedaach!“

Und dat Bekloppteste: Zu all dem Stuss jööv et kein Alternativ.

Jo sid ihr dann noch dicht? Wör dä Rest nit ärm, wört Ihr nit riesch.

Et weed höchste Zick: Mer kloppe dat janze bekloppte Herrschafts- un Finanzsystem in die Tonn. Mer erlöse de ärm Riesche, die all unverschuldt am Existenzmaximum rumhummere vun ihrem Elend. Us ner asoziale Randgrupp von 0,01 % maache mer widder anständig Mitglieder dä Jesellschaff. Loss mer luure no nem intelligientere Wäch, zosamme ze levve – un no nem bessere Weetschaffs- un Jesellschaffs-System. Un doför bruuche mer nit dä Finanzbedriss wie Investmentbanke, Weetschaffslobbyiste, Börsenhandel, Steueroase, Hedge Fonds.... Jenau su wenisch wie Armeen, transnationale Konzerne, Atomkraft, Geheimdienste, Sparpolitik, Braunkohlestrom, Klimaschänder....

Dat Einzije, wo et kein Alternativ zo jitt, es de Demokratie!

ür Funke-Mariannsche un ür Schäng Guevara

P.S. Luur ens hee: www.G8-pappnasen.de

